



**TOTOGI O SUPA TAGATA E  
TU'UA TUMAU AUSETALIA**

# **O LE A LE MEA E TUPU I SUPA A TAGATA E TU'UA TUMAU LE ATUNU'U?**

**O lou Malamalama i Totogi o Supa mo Tagata e Tu'ua Tumau Ausetalia (DASP) e ono tāua pe a faapea o loo e fuafua e te tu'ua tumau le atunu'u. O le DASP e mafai ai e tagata e pei o i latou na aumau i'inei i visa lē tumau ona mauaina a latou faaputuga supa i le taimi latou te tu'ua:**

## **1. Agava'a e mauaina ai**

O le DASP e mafai ona e mauaina pe a faapea e lē o 'oe o se tagata sitiseni Ausetalia poo Niu Sila, pe o se tagata nofomau i Ausetalia ae ua e faamoemoe e te tu'ua tumau le atunu'u. O le tulaga lea e tele ina iai tagata na aumau i lalo visa lē tumau, e pei o visa faigaluega poo visa a'oga, ae ua uma le aoga pe ua soloia. E tāua ona siaki au'ilili tulaga agava'a e mauaina ai ina ia mautinoa le faamalieina o mana'oga ae le'i fa'auauina.



Australian  
**FOOD  
SUPER**

 Your Industry Fund

## **2. Faagasologa o talosaga:**

O le la'asaga muamua i le mauaina o au tupe mai lau supa i lalo o le DASP o lou talosaga lea i le Ofisa o Lafoga i Ausetalia, le (ATO), o loo pulea le polokalame DASP. E mafai ona faatumu le talosaga i luga o le 'upega tafa'ilagi i le itulau 'upega a le ATO pe faatumu tusilima se pepa talosaga. E tatau ona sa'o ma 'ato'atoa faamatalaga e aumaia ina ia lē faatuai ai le iloiloaga o le talosaga. O le itulau 'upega a le ATO e maua atu ai faatonuga i aualea e faatumu ai pepa talosaga. Ae maise, e tatau ona aumaia faamatalaga au'ilili i lau supa i le pepa faatumu (silasila i lalo). Mo le Australian Food Super o le ABN o le 28 342 064 803 ma e te mauaina lau numera sui auai i le pepa faamatalaga o au tupe i lau supa.

## **3. Pepa Lagolago:**

E lē gata i le pepa faatumu o le talosaga, ae mana'omia ona iai ni pepa lagolago, e pei o pepa faamaonia o lou tagata, pepa molimau o lou visa, ma molimau o lou tu'ua tumau o Ausetalia. E mafai ona aofia ai se kopi o lou tusi folau, pepa faamaonia o lou visa, pepa malaga va'alele poo nisi molimau o lou tu'ua o le atunu'u. O le aoina muamua o nei pepa e fesoasoani i le vave ona iloiloina o lau talosaga.

## **4. Le itū i lafoga:**

E tāua ona e malamalama i le itū i lafoga i lalo o le DASP. O tupe e totogi mo supa a tagata na nonofo lē tumau e aofia ai lafoga taofia, ma e tatau ona tipi e le kamupani supa le lafoga lenei ae le'i tatalaina i tua se totogi. E 'ese'ese tulaga o lafoga taofi nei, e faalagolago i le aofa'i o tupe o loo i le penefiti o lau supa ma le itu'aiga visa na e aumau ai i'inei.

## 5. Taimi e iloilojna ai:

E tu'uina atu loa le talosaga ma pepa e lagolago ai, ona iloiloina lea e le ATO ma totogi atu le DASP. O le taimi e iloiloina ai e fesuisuia'i e faalagolago i mafua'aga, e pei o le 'ato'atoa o faamatalaga o le talosaga ma le pisi o galuega a le ofisa o lafoga le ATO. E tãua ona e onosa'i ma lava se taimi e tu'uina mo le iloiloina e le matagaluega o lau talosaga.

## 6. Mauaina o le totogi:

E pasia loa le iloiloiga o le talosaga mo le DASP, o le a totogiina atu loa le aofa'i o le supa i se aofa'iga atoa e tasi. O le totogi e faia sa'o, e tele lava i luga o masini computer i se tusi tupe ua e filifilia i se faletupe. Ia mautinoa ona siaki lelei faamaumauga uma o le tusi tupe i le faletupe pe o sa'o ina ia alu tonu iai le totogi.

## 7. Lagolago faapoopo:

A faapea e iai ni faafitauli e feagai ai, pe iai ni fesili e fia faia aga'i i le DASP, e iai auala e maua ai fesoasoani. Faafeso'ota'i le ATO mo se fesoasoani, pe sa'ili se fautuaga mai tagata fautua femalaga'iga poo fautua i tupe e faapitoa tomai i mata'upu o le supa. E lã gata i lea, o loo avanoa 'au'aunaga a le Australian Food Super e mafai ona latou talia fesili ma lima ta'ita'ina 'oe i le faagasologa o le talosaga.

I se atoaga, o le Totogi o Supa mo Tagata e Tu'ua Tumau Ausetalia, o se fesoasoani tãua pe a e tu'ua tumau Ausetalia. O lou malamalama i le agava'a e mauaina ai, faatumu sa'o ma 'ato'atoa le pepa talosaga, silafia mata'upu i lafoga e totogi, e mafai ona e mauaina ai tupe o totogi mai lau supa i se auala vave ma faigofie ae e te le'i tu'ua tumau Ausetalia.

Mo nisi faamatalaga i le DASP, faafeso'ota'i le Pule o 'Au'aunaga e mafai fo'i ona e asiasi i le itulau 'upega a le ATO <https://www.ato.gov.au/individuals-and-families/super-for-individuals-and-families/super/temporary-residents-and-superannuation/departing-australia-superannuation-payment-dasp>.



A faapea e te mana'omia se kopi tusitusia o lenei Pepa o Faamatalaga, faamolemole faafeso'ota'i le **Member Hotline** i le **1800 808 614**.



**Laina (Member Hotline)**  
**1800 808 614**



**ausfoodsuper.com.au**



**service@ausfoodsuper.com.au**



**Locked Bag 5390**  
**Parramatta NSW 2124**

O lenei pepa o lo 'auina atu e le Australian Meat Industry Superannuation Pty Ltd ABN 25 002 981 919, AFSL No. 238829, o se Tausi Mavaega a le Australian Meat Industry Superannuation Trust (le Faaputuga "Fund"), ABN 28 342 064 803 (Australian Food Super). O faamatalaga o loo tu'uina atu i lenei pepa e na o ni faamatalaga lautele. E lã o aofia ai ni ou sini 'autũ, tulaga o au tupe maua poo ou mana'oga. Ae le'i faia sau faai'uga pe fa'aaogaina faamatalaga o loo i lenei pepa, e tatau ona fuafua muamua le talafeagai o faamatalaga o loo iai e faatusa i ou sini 'autũ, tupe maua ma mana'oga. E tatau ona e tapã se fautuaga i mata'upu tau tupe e talafeagai ma lou tulaga faaletagata. O aiaiga faavae o loo pulea ai le Fund, o loo tusia i le Mavaega Tausi (Trust Deed), e mafai ona maua i le 'upega tafa'ilagi i le ausfoodsuper.com.au. I lea taimi ma lea taimi, e mafai e le Tausi Mavaega ona suia aiaiga o le Trust Deed. Access the Australian Food Super PDS ma le TMD i le ausfoodsuper.com.au